



Eich cyf/Your ref
Ein cyf/Our ref

Mike Hedges AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad
Senedd Cymru
Bae Caerdydd
CF99 1SN

22 Ionawr 2026

Annwyl Mike,

Hoffwn hysbysu'r Pwyllgor am fy mwriad i gydsynio i Blair McDougall AS, yr Is-ysgrifennydd Gwladol Seneddol (y Gweinidog dros Fusnesau Bach a Thrawsnewid Economaidd) osod gerbron Senedd y DU, yn unol â'r weithdrefn gadarnhaol, Offeryn Statudol (SI), sef Rheoliadau Darparu Gwasanaethau (Diwygio a Darpariaeth Drosiannol) 2026, a fydd yn diwygio Rheoliadau Darparu Gwasanaethau 2009 ('y Rheoliadau') mewn meysydd datganoledig.

Trosodd y Rheoliadau Gyfarwydddeb Gwasanaethau'r UE 2006/123/EC, a oedd yn rhoi fframwaith o reolau ar gyfer y ffordd mae gweithgareddau gwasanaethau'n cael eu rheoleiddio yn y DU. Maent yn sicrhau bod cynlluniau awdurdodi (e.e. cynlluniau sy'n ymwneud â thrwyddedau y mae'n rhaid i fusnesau neu unigolion eu cael cyn darparu gwasanaeth) sy'n cael eu gweinyddu gan awdurdodau cymwys (e.e. awdurdodau lleol a rheoleiddwyr), yn gymesur, y gellir eu cyfiawnhau er budd y cyhoedd a'u bod yn cael eu cynnal mewn ffordd deg, hygyrch a thryloyw i fusnesau.

Pwrpas gwneud newidiadau wedi'u targedu i'r Rheoliadau yw gwneud cynlluniau awdurdodi yn fwy tryloyw, effeithlon a chost-effeithiol, a lleihau beichiau rheoleiddio i fusnesau wrth gefnogi agenda fasnach y DU ar yr un pryd. Yn gryno, mae'r diwygiadau a gynigir yn cynnwys chwe maes. Bydd pump ohonynt yn cael eu gweithredu gan yr OS ac un yn cael ei weithredu gan fesurau nad ydynt yn ddeddfwriaethol:

Diwygiadau i'w gweithredu gan yr OS:

- Ehangu manteision y Rheoliadau Darparu Gwasanaethau i unrhyw un waeth beth fo'u cenedligrwydd neu eu sefydliad.
- Ei gwneud yn ofynnol i awdurdodau cymwys gyflwyno gwybodaeth i'r Ysgrifennydd Gwladol am drefniadau awdurdodiad dealliedig, gan gynnwys pan nad yw awdurdodiad dealliedig yn gymwys, i nodi'r rheswm er budd y cyhoedd dros beidio â'i gymhwyso.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Correspondence.Rebecca.Evans@gov.wales
Gohebiaeth.Rebecca.Evans@llyw.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

- c) Ychwanegu gofyniad i awdurdodau cymwys sy'n rhedeg cynlluniau awdurdodi roi gwybod i ymgeiswyr am statws a chanlyniad eu cais.
- d) Cynyddu hyblygrwydd y broses ymgeisio, er enghraifft, drwy ei gwneud yn ofynnol i awdurdodau cymwys dderbyn ceisiadau am drwydded drwy gydol y flwyddyn.
- e) Eglurwch fod awdurdodau cymwys wedi'u gwahardd rhag codi ffioedd ar adeg y cais sy'n cynnwys costau rheoli a gorfodi'r cynllun awdurdodi'n barhaus.

Diwygiadau i'w gweithredu gan fesurau nad ydynt yn ddeddfwriaethol:

- f) Ei gwneud yn ofynnol i wybodaeth benodol gael ei diweddarau ar yr offeryn ar-lein *Dod o hyd i Drwydded* a/neu wefan yr awdurdod cymwys, gan wneud y rhestr o'r wybodaeth sydd i'w darparu yn fwy cynhwysfawr. Nid yw'r diwygiad hwn wedi'i gynnwys yn yr OS gan fod opsiynau nad ydynt yn ddeddfwriaethol yn cael eu cynnig gan lywodraeth y DU i sicrhau bod gwybodaeth yn parhau i fod yn gyfredol, megis cyhoeddi nodiadau atgoffa blynyddol i awdurdodau cymwys i'w hannog i wirio a diweddarau cynnwys a chynnal archwiliadau rheolaidd.

Mae Egwyddorion Llywodraeth Cymru ar Ddeddfwriaeth y DU mewn Meysydd Datganoledig yn dweud y dylai is-ddeddfwriaeth mewn meysydd datganoledig gael ei gwneud gan Weinidogion Cymru pan fydd cymhwysedd gweithredol. Fodd bynnag, mae'r egwyddorion yn mynd yn eu blaen i ddweud y, 'Gall sefyllfaoedd godi hefyd pan fyddai hi er budd gorau Cymru i ddarpariaeth ddeddfwriaethol ar ffurf is-ddeddfwriaeth a fyddai o fewn cymhwysedd gweithredol Gweinidogion Cymru gael ei gwneud gan Weinidogion Llywodraeth y DU, gyda chydysyniad Gweinidogion Cymru. Yn benodol, pan fydd deddfwriaeth y DU yn cwmpasu materion datganoledig a materion a gedwir yn ôl, a dyma'r ffordd fwyaf effeithiol o gyflawni amcanion polisi, efallai y bydd yn briodol i weinidogion Llywodraeth y DU weithredu.

Yn ogystal, mae cyfiawnhad clir dros gefnogi cydsyniad i Offeryn Statudol y DU:

- a) Nid yw'r newidiadau hyn yn flaenoriaeth bolisi ac felly nid yw'n synhwyrol defnyddio adnoddau i wneud y ddeddfwriaeth ein hunain. Ni fyddai Llywodraeth Cymru wedi penderfynu gwneud y newidiadau hyn o'i dewis ei hun o ystyried y buddion lleiaf y gellir disgwyl eu gwireddu.
- b) Efallai y bydd y manteision i fusnesau yn fach, ond maent yn bodoli, a gallent gael effaith ar fusnesau bach drwy leddfu unrhyw anawsterau y gallai rhai eu hwynebu wrth wneud cais am awdurdodiadau gan awdurdodau cymwys.
- c) Nid oes rheswm dros wrthwynebu'r newidiadau o safbwynt polisi.

O ganlyniad, mae'n synhwyrol caniatáu i lywodraeth y DU wneud y newidiadau arfaethedig mewn meysydd datganoledig fel y gall Cymru wireddu manteision bach i'n busnesau heb i Lywodraeth Cymru orfod defnyddio adnoddau i wneud y newidiadau.

Bydd y Rheoliadau yn cael eu gosod gerbron Senedd y DU ym mis Chwefror 2026 ac, os cânt eu cymeradwyo gan Senedd y DU, yn cael eu gwneud gan ddefnyddio pwerau cydredol yr Ysgrifennydd Gwladol yn adrannau 12(1), 14(2) a 20(1) o Ddeddf Cyfraith yr UE a Ddargedwir (Dirymu a Diwygio) 2023, ac yn dod i rym ar 1 Hydref 2026.

Yn gywir,



Rebecca Evans AS/MS

Ysgrifennydd y Cabinet dros yr Economi, Ynni a Chynllunio
Cabinet Secretary for Economy, Energy and Planning